



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

5. Dies Junii. Per sensus quasi per quasdam fenestras, vitiorum in animam introitus est. S. Hieron. l. 2. in Iovin.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

rum hostium eruptiones, viam moliamur in cælum, atque ex ipsis difficultatibus, strenuè obnitendo, fortiter obluendo, victrices nobis adoras comparemus, manubias colligamus, trophæa erigamus, & aureis lemniscis coronam indies nostram insigniamus. Qui verè commotionibus illis non obstant, credi non potest in quot pericula se induant, quot se pedicis illaqueant, quot clades animi, & dedecora mentis patiantur. Nam in simili animo, ut in tumultu Gallico dentuntiato, semper ad sagum, & mucrones decurritur, semper classicum inflatur, & bellicum canitur, nec aliud quàm illud Maronis auribus perpetuò insonat. *Arma viri, rapite arma viri.* Furor, & Bellona circumeunt, concitantur ardentibus tædis è tartaro emissæ Eumenides, fit conjuratio, pax & quies obturbatur. Frustrà igitur domi solus est, qui vento perturbationum in locum omnem rapitur, & nunquam secum, semper extra se, ubique est. Nec solitudinis, aut noctis silentium illi pacem, & quietem adfert, cui passiones forum, & tumultum fabricantur. Ne servias, gere ut olim Romani, bellum in servos, hoc est serviles, & viles affectus, quos nisi extermines, experieris in te protervos. Sequere ergò consilium Poëtæ,

Ejicias servos, quos noveris esse protervos.

5. DIES JUNII.

Per sensus quasi per quasdam fenestras, vitiorum in animam introitus est. S.
Hieron. l. 2. in Iovin.

Sensus, jan-
nuæ mor-
tis.

PEr incuriam in custodiendis sen-
sibus, planè in negotio salutis fi-
mus incurii, & prorsus insensati.

Sensus, oraculo Jeremiæ, sunt fe-
nestræ mortis, judicio S. Gregorii, sunt (a) *Januæ*
mentis, per quas ingreditur conscientia, editura ma-
gnas in animo strages, in pectore clades, totamque
interiorem Rempublicam everfura. Hinc si sensus ra-
tionis fræno non coërceantur, mentem effœminant,
& ceream, facilemque reddunt ad suscipiendas om-
nes libidinis titillationes. Fit autem illa effœminatio,
atque in vitium prona mollities, à voluptate, quæ
congenita nobis, & intimis visceribus illita, contagi-
one suâ rotum corpus inficit. Per has Fenestras, fit a-
ditus in intima mentis adyta, vix metropolis, & atx
mantis capi potest, nisi per illas portas irruerit hosti-
lis exercitus. Ad illas animi portas subsident in insi-
diis concupiscentiæ, voluptas, & tartarearum legio-
num princeps dæmon, ut si tantillum mens à custo-
dia, vigiliaque sua desciverit, subito ingrediantur, in-
explicabili nostrâ calamitate: si vel rimam inveniat
concupiscentia, per quam intus possit exepere, blan-
ditiis, aut aureis cincta relis, & loricata voluptate, pe-
dem figit, tanquam in suo. Possessio acquiritur, ut
magni ajunt Juris-consulti, *etiamsi in angulo tantum*
ingrediatur. Quod nusquam verius fortè videbitur
quàm in sensuum voluptate, ac concupiscentiæ hoc
introitu, quæ vel ad latum unguem admissa violen-
tum dominium occupat.

II. Non imitemur Celtas, nec Æthiopes: illi

januas

(a) *Ser. 9. 21. Gregor. Moral.*

(a) *januas adium nunquam claudunt*, inquit Nicolaus Damascenus, hi (b) *domus sine foribus clauserunt*, teste Stobæo. O quot reperiuntur his similes, qui summâ impudentiâ, aut impietate sic patentem latè sensus, & apertos habent, atque ad omnia excipiendâ paratos, ut insidiantem undique voluntatem, atque ad portas volitantem, cum dæmone invitare velle videantur. Quanta est insania illorum, qui cum utantur summâ licentiâ, & effrenata libertate sensuum, oculos habeant vagos, gestientes, lenocinantes; aures prurientes, & quibuscumque excipiendis inhiantes, tactus lasciviam nullo modo coerceant, ex aliis denique sensibus voluptatem aucupentur: se tamen non modò tutos, sed seculos, ac periculo vacuos, & præsidio suæ constantiæ sat robustos autumant. Quis fieri potest, quin sint vicini exitio, proximi præcipitio, qui sensuum lenociniis obedientes, & haurientes undique voluptatem, apertis omnium sensuum januis, omne genus licitæ, illicitæ delectationis excipiunt, uti caupo quoscumque hospites, peregrinos, advenas? Quid hic aliud sequetur, quàm ut dæmon illic cum suis satellitibus ingressus, duro, ac crudeli dominata animæ castellum occupet, & suo barbaro imperio subjiciat, pro libidine agat quæcumque?

III. Propter sensus sine cautela custoditos, cupimus, irascimur, gestimus, invidemus, æmulamur; solliciti sumus, & expletâ voluptate, per quandam pœnititudinem iterum accendimur, volumusque facere quod fecisse denuò pœniteat. Igitur cum per has portas, quasi quidam perturbationum cunei ad arcem nostræ mentis intraverint, ubi erit libertas? ubi

forti-

Junius.

Tessera.

431

fortitudo? ubi salutis cura? ubi de Deo cogitatio? Ob
has rationes multi ex antiquitate Philosophi relique-
runt urbium frequentiam, fori tumultus, hominum
fremitus, & hortulorum amœnitatem, ubi ager irri-
guus, & comæ arborum, & fursurri avium, fontis spe-
culum, rivus immurmurans, & multæ illecebræ au-
rium, ac oculorum lenocinia, ne per hæc oblecta-
menta animus palabundus extra se vagaretur, & in-
tra se vexaretur. Pericula quæ nobis imminent ex
sensibus, his verbis perstringit D. Ambrosius: (a) *Re-
spexit oculus, & sensum mentis invertit; audivit auris,
& intentionem inflexit; inhalavit odor, & cogitationem
impedivit; os libavit, & crimen retulit; tactus contigit,
& ignem adolevit.* Si fueris ut Argus centoculus cir-
cumspectus in servandis sensibus, visus in rebus con-
ditis videbit salutare Dei; auditus percipiet, quid lo-
quatur in eo Dominus; gustatus libabit, quàm sua-
vis sit Dominus; odoratus hauriet suavitatem odo-
ris sancti, tactus osculum sponsi experet. Ne ergò
mihi contingat quod dicit Poeta, invigilabo sensibus.

Perdo animi census, nisi frenem carcere sensus.

6. DIES JUNII.

In aula nunquam fui quietus, extra au-
lam nunquam inquietus. *S. Norbertus.*

1. **D**omicilium Quietis, digito demon-
strat Auctor Ordinis Præmonstraten-
sis. Satius est esse quietis compotem,
vel

(a) *L. de fug. secul. c. 1.*